

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Biblia Das ist Die gantze Heylige Schrift Teutsch

Luther, Martin

Franckfurt am Mayn, 1560

VD16 B 2747

Illustration: [S. Paulus und Timotheus]

urn:nbn:de:bsz:31-62174

A



I. Cap.

B



Paulus ein Apostel Ihesu Christi/ nach dem befehl Gottes vnser's Heilands/ vnd des HERREN Ihesu Christi/ der vnser Hoffnung ist.

Timotheo meinem rechtschaffnen sohn im glauben.

Gnade/ barmherzigkeit/ friede von Gott vnserm Vater/ vnd vnserm HERREN Ihesu Christo.

Wie ich dich ermanet habe/ daß du zu Epheso bliebest/ da ich in Macedonian zog/ vnd gebotest etlichen/ Daß sie nicht anders lereten/ auch nicht acht hetten auff die Sabeln vnd der geschlecht Register/ die kein ende haben/ vnd bringen fragen auff/ mehr denn besserung zu Gott im Glauben. Denn die Häubtsomma des Gebots ist/ Liebe von reinem hertzen/ vnd von gutem gewissen/ vnd von ungeferbtem Glauben. Welcher haben etliche gefeilet/ vnd sind umbgewand zu vnnützem Geschwätz/ wöllen der Schrift Meister sein/ vnd verstehen nicht was sie sagen/ oder was sie setzen.

Wir wissen aber/ daß das Gesetz gut ist/ so sein jemand recht brauchet/ vnd weiß solchs/ daß dem Gerechten kein Gesetz gegeben ist/ sondern den vngerechten vnd vngehorsamen/ den Gottlosen vnd Sündern/ den vnheiligen vnd ungeistlichen/ den Vätermördern vnd muttermördern/ den todschlägern/ den hurern/ den knabenschändern/ den Menschendieben/ den lügenern/ den meineidigen/ Vnd so etwas mehr der heilsamen Lere wider ist/ nach dem herrlichen Euangelio des seligen Gottes/ welchs mir vertrauet ist.

Welchen das Gesetz gegeben.

Vnd